



CONVENIO DE COLABORACIÓN ENTRE A AXENCIA TURISMO DE GALICIA, A MANCOMUNIDADE DE CONCELLOS GALEGOS DO CAMIÑO FRANCÉS E OS CONCELLOS INTEGRANTES DA MANCOMUNIDADE PARA ACTUACIÓNS DE MELLORA PAISAXÍSTICA E DE PROMOCIÓN DO XACOBEO 2021 NO CAMIÑO FRANCÉS.

En Santiago de Compostela,

REUNIDOS

Dunha parte, **D. Román Rodríguez González**, en calidade de presidente da **Axencia Turismo de Galicia**, en virtude do establecido na disposición adicional primeira do Decreto 106/2018, do 4 de outubro, polo que se modifica parcialmente o Decreto 177/2016, do 15 de decembro, polo que se fixa a estrutura orgánica das consellerías da Xunta de Galicia, e o Decreto 196/2012, do 27 de setembro, polo que se crea a Axencia de Turismo de Galicia e apróbanse os seus estatutos, en relación co Decreto 97/2018, que dispón o seu nomeamento como conselleiro de Cultura e Turismo e no exercicio das facultades que resultan do artigo 3 do Decreto 196/2012.

Doutra parte, **D. José Antonio García Jurjo**, no nome e representación da **Mancomunidade de Concellos Galegos do Camiño Francés**, en calidade de presidente.

Doutra parte, **D. Julio Gallego Moure**, en nome e representación como Alcalde Presidente do Concello de Samos, con CIF P2705500 C, sito no Camiño Francés, con domicilio en Praza de España, 1, 27620, (Samos).

Doutra parte, **D. José Luis García López**, en nome e representación como Alcalde Presidente do Concello de Arzúa, con CIF P 1500600 J, sito no Camiño Francés, con domicilio en R/ Santiago, 2. 15810 Arzúa (A Coruña).

Doutra parte, **D. José Manuel Pérez Penas**, en nome e representación como Alcalde Presidente do Concello de Melide, con CIF P 1504700 D, e domicilio en Praza do Convento, 5. 15800 Melide (A Coruña).





Doutra parte, **D. Antonio Gato Soengas**, en nome e representación como Alcalde Presidente do Concello de Monterroso, con CIF P 2703200 B, e domicilio en Praza de Galicia, s/n. 27560 Monterroso (Lugo).

Doutra parte, **D. Pablo Taboada Camoira**, en nome e representación como Alcalde Presidente do Concello de Palas de Rei, con CIF P 2704000 E, e domicilio en Avda. de Compostela, nº 28. 27200 Palas de Rei (Lugo).

Doutra parte, **D. José Manuel Mato Díaz**, en nome e representación como Alcalde Presidente do Concello de Paradela, con CIF P 2704200 A, sito no Camiño Francés, con domicilio en Rúa Cabaleiros de Santiago, 15. 27611 Paradela (Lugo).

Doutra parte, **Don Jose Luís Raposo Magdalena**, en nome e representación como Alcalde Presidente do Concello de Pedrafita do Cebreiro, con CIF P 2704500 D, sito no Camiño Francés, con domicilio en Praza de España, 2. 27670 Pedrafita do Cebreiro (Lugo).

Doutra parte, **D. Manuel Taboada Vigo**, en nome e representación, como Alcalde Presidente, do Concello do Pino, con CIF P 1506700 B, sito no Camiño Francés e con domicilio en Rúa do Concello, s/n, Pedrouzo, 15821, Arca (A Coruña).

Doutra parte, **Don Juan Serrano López**, en nome e representación como Alcalde Presidente do Concello de Portomarín, con CIF P 2704900 F, sito no Camiño Francés, con enderezo en Praza Conde Fenosa, 1.27170 Portomarín (Lugo).

Doutra parte, **D. Claudio Melquíades Garrido Martínez**, en nome e representación como Alcalde Presidente do Concello de Sarria, con CIF P 2705700 I, sito no Camiño Francés, con enderezo en Rúa Maior, 14. 27600 Sarria (Lugo).

E doutra parte, **Dña. Olga Iglesias Fontal**, en nome e representación como Alcaldesa Presidente do Concello de Triacastela, con CIF P2706200I, e domicilio en Praza da Deputación 1, 27630 Triacastela (Lugo).



As partes, no nome e representación na que concorren recoñécense mutuamente capacidade legal suficiente para este acto, e a tal efecto,

EXPOÑEN

Primeiro.- Que o Camiño de Santiago é a ruta de peregrinación máis importante do Vello Continente, encontro de culturas e orixe da unidade de Europa.

O Consello de Europa, na súa declaración do 23 de Outubro de 1987, manifesta que a dimensión do humano da sociedade, as ideas de liberdade e de xustiza e a confianza no progreso son principios que foron conformando historicamente as distintas culturas que integran a propia e peculiar identidade europea. Esa identidade cultural fíxose posible pola existencia dun espazo europeo cargado de memoria colectiva e cruzado por camiños capaces de superar as distancias, as fronteiras e as linguas. Que a fe que animou os peregrinos no curso da historia e que os xuntou nun alento común, por riba das diferenzas e dos intereses nacionais, nos impulse tamén nesta época, particularmente aos mozos, a seguir percorrendo estes camiños para acadar unha sociedade fundada na tolerancia, a liberdade e a solidariedade.

Segundo.- Que a celebración do Ano Santo Xacobeo no ano 2021 constitúe para a Comunidade Autónoma de Galicia unha oportunidade de potenciación de Galicia, así como de promoción e de reforzo da dimensión internacional do Camiño de Santiago e da propia comunidade.

O Camiño Francés foi declarado o Primeiro Itinerario Cultural Europeo, Ben de interese cultural, e Patrimonio da Humanidade e é a ruta mais transitada por peregrinos de tódalas nacionalidades polo que necesita un valor mais alto de protección e atención coa finalidade de presentar a súa mellor cara ao xacobeo 2021.

A Axencia Turismo de Galicia está por tanto interesada tanto na súa mellora e posta en valor, como na atención e coidado ao peregrino.



Así mesmo, sendo conscientes dos gastos que para os concellos polos que transcorre a citada ruta supón a acollida dos milleiros de peregrinos/as que cada ano fan o Camiño pola ruta do Camiño Francés, a Axencia Turismo de Galicia ten vontade de colaborar cos concellos coa concesión directa desta subvención.

Terceiro.- Que os artigos 73 e seguintes da Lei 5/2016, do 4 de maio, do patrimonio cultural de Galicia regulan os Camiños de Santiago, dispoñendo no seu artigo 75 que as rutas dos Camiños de Santiago que sexan incluídas na Lista do Patrimonio Mundial da Unesco terán a consideración de bens de interese cultural.

Cuarto.- Que o artigo 1 do Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, dispón que se crea a Axencia Turismo de Galicia como axencia pública autonómica, e terá como obxectivo impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade e a conservación e promoción dos camiños de Santiago.

O artigo 9 dos seus estatutos establece as funcións e competencias da Axencia para acadar os seus obxectivos, dispoñendo na súa alínea i) que lle corresponde “a dirección e coordinación das actuacións relacionadas coa posta en valor cultural e turístico do Camiño de Santiago, a súa promoción, a xestión da imaxe corporativa do Xacobeo e da rede de albergues, e o mantemento e conservación dos camiños e a súa sinalización, así como calquera outra acción que redunde en beneficio do Camiño de Santiago”.

Quinto.- Que a Mancomunidade de Concellos Galegos do Camiño Francés abrangue todos os concellos desde que o Camiño de Santiago entra en Galicia ata o límite con Santiago de Compostela.

Nos seus Estatutos, publicados por Resolución do 6 de xullo de 2001, da Dirección Xeral de Administración Local, pola que se dispón a publicación dos mesmos no DOG (DOG núm. 155, do 10 de agosto de 2001), establece como fins iniciais da mancomunidade os seguintes: conservación e mellora do camiño, promoción do dito camiño dentro e fóra da





comunidade, deseño e execución de plans de actuación, dinamización sociocultural do camiño e defensa do camiño.

Os municipios de Arzúa, Melide, Monterroso, Palas de Rei, Paradela, Pedrafita do Cebreiro, O Pino, Portomarín, Samos, Sarria e Triacastela e a Mancomunidade de Concellos do camiño Francés, están interesados en colaborar para a revalorización do Camiño, a súa mellora e conservación, a prestación dunha mellor atención aos peregrinos, así como o desenvolvemento de actividades de promoción, culturais e turísticas que contribúan a súa posta en valor o mesmo.

En atención a todas estas consideracións, as partes asinantes consideran de interese a sinatura deste convenio de colaboración, de conformidade coas seguintes,

CLÁUSULAS

PRIMEIRA.- OBXECTO

É obxecto do presente convenio definir os termos de colaboración entre a Axencia Turismo de Galicia cos concellos de Arzúa, Melide, Monterroso, Palas de Rei, Paradela, Pedrafita do Cebreiro, O Pino, Portomarín, Samos, Sarria e Triacastela e coa Mancomunidade de Concellos Galegos do Camiño Francés que os engloba, para as seguintes liñas de actuacións:

Liña 1. Actuacións cos Concellos de Arzúa, Melide, Monterroso, Palas de Rei, Paradela, Pedrafita do Cebreiro, O Pino, Portomarín, Samos, Sarria e Triacastela :

Nesta liña teñen cabida as seguintes actuacións:

Actuación 1- Mellora paisaxística e de embelecemento de bens e recursos que se atopen no Camiño Francés no seu paso polos citados concellos para prestar unha boa acollida aos/ás peregrinos/as. A título enunciativo sinálanse os seguintes:



- Actuacións de valorización, mantemento, conservación, consolidación ou restauración dos bens que integran o patrimonio etnográfico de Galicia
- Actuacións de ocultación, mediante vexetación ou outros elementos, daqueles bens ou elementos con forte impacto sobre o campo visual do Camiño; por exemplo, naves gandeiras.
- Actuacións de demolición de elementos en desuso ou abandonados sen interese patrimonial ou paisaxístico, como naves, silos ou casetas.
- Actuacións de mellora dos puntos de contacto co trazado do camiño: valados, pavimentos nos puntos de acceso, instalación de áreas de descanso para peregrinos.
- Actuacións de desentullo e limpeza de lixo ou materiais en desuso.
- Actuacións de substitución de elementos de mobiliario urbano e similares que, polo seu estado de deterioración ou polas súas propias características físicas, resulten alleos á contorna do Camiño. Por exemplo: marquesiñas, elementos de sinalización, bolardos, iluminación pública, cables aéreos, antenas, contedores de residuos,

Actuación 2.- Desenvolvemento de actividades culturais e turísticas que contribúan á promoción do Xacobeo 2021 así como á acollida e desfrute dos peregrinos.

Liña 2. Actuacións coa Mancomunidade de Concellos Galegos do Camiño Francés

Actuación 1.- Contratación dun técnico superior para a elaboración de modelos para a uniformización das ordenanzas locais relativas a temas como venta ambulante, embelecemento ou sinalización, que desenvolva e coordine as diferentes actuacións da Mancomunidade: desenvolvemento destino SICTEC, tarefas de xestión para a Mancomunidade, ou calquera outra que contribúa á realización do obxecto da Mancomunidade e a promoción e posta en valor do Camiño Francés.



A contratación deberá realizarse a través do Servizo Público de Emprego de Galicia, entre persoas que figuren como desempregadas no mesmo.

Actuación 2.- Desenvolvemento dunha acción anual de Promoción do Xacobeo 2021 a executar de forma conxunta nos territorios dos municipios polos que descorre o Camiño.

Nos dous primeiros meses de vixencia do convenio, a Mancomunidade debe remitir á Axencia Turismo de Galicia para avaliar a súa adecuación os Plans e Programas do Xacobeo 2021, o deseño e programa da acción de promoción conxunta das recollidas na Programación do Xacobeo 2021.

SEGUNDA.- COMPROMISOS DOS CONCELLOS E A MANCOMUNIDADE

Cada concello e a mancomunidade asumen polo presente convenio os seguintes compromisos:

1. A realización das actuacións establecidas na cláusula primeira.
2. Incluír en toda a documentación ou soportes empregados na realización das actuacións subvencionadas, a colaboración da Xunta de Galicia

Durante a execución das actuacións en infraestruturas, será obrigada a colocación dun cartel sempre nun lugar visible para o público en que figure a subvención da Xunta de Galicia conforme o manual de identidade corporativa que estea vixente

Nos materiais impresos, medios electrónicos ou audiovisuais, ou ben en mencións realizadas en medios de comunicación deberán constar lendas relativas ao da Xunta de Galicia.

Igualmente, as entidades beneficiarias deberán incluír, nas súas accións promocionais, a marca Xacobeo 2021, de acordo co manual de identidade visual, aprobado polo Decreto



167/2018, do 29 de novembro, polo que se regula a utilización da marca Xacobeo 2021 (DOG núm. 1, do 2 de xaneiro de 2019).

3. Así mesmo cada concello deberá:

- Achegar a información que lle sexa requirida pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de control do destino do investimento.
- Comunicar á Axencia Turismo de Galicia a obtención doutras subvencións, axudas ingresos ou recursos que financien a actividade subvencionada procedentes de calquera administración ou entes públicos ou privados nacionais ou internacionais. Esta comunicación deberá efectuarse tan pronto como se coñeza e en todo caso, con anterioridade á xustificación da aplicación dos fondos recibidos.

De acordo co disposto no artigo 40.1 d) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a achega económica prevista neste convenio será compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou organismos internacionais.

En ningún caso o importe das subvencións as que se refire o parágrafo anterior poderá superar, no seu conxunto, o custe da actividade subvencionada, ao abeiro do disposto no artigo 17.3 da Lei 9/2007.

- Acreditar ante a Axencia Turismo de Galicia o cumprimento do deber de remisión ao Consello de Contas das contas xerais de cada exercicio, conforme o indicado no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas.
- Presentar, antes da sinatura deste convenio, unha declaración responsable de atoparse ao corrente no cumprimento das obrigas tributarias ou fronte á Seguridade Social e de non ter



pendente de pago algunha outra débeda coa Administración pública da Comunidade Autónoma, de conformidade co disposto no artigo 10 da Lei 9/2007, do 13 de xuño, de subvencións de Galicia e o artigo 11 do Decreto 11/2009, do 8 de xaneiro, polo que se aproba o Regulamento da Lei de subvencións de Galicia.

TERCEIRA.- PERSOAL

A subscrición do presente convenio non implicará relación laboral ou de calquera outra natureza entre as persoas ou profesionais que desenvolvan as actuacións de ningunha das liñas subvencionadas que constitúen o obxecto do mesmo coa Axencia Turismo de Galicia, de tal xeito que, por este concepto, non se lle poderá esixir responsabilidade ningunha directa nin subsidiaria á Axencia Turismo de Galicia. Os concellos serán os únicos responsables dos custos salariais, incluída a cotización empresarial á Seguridade Social por todos os conceptos.

CUARTA.- COMPROMISOS DA AXENCIA TURISMO DE GALICIA

A Axencia Turismo de Galicia financiará as actuacións das dúas liñas durante os anos 2020 e 2021 polo importe máximo de un millón trinta e oito mil oitocentos euros (1.038.800,00€); cincocentos dezanove mil catrocentos euros por anualidade (519.400,00€/ano), que se corresponden co seguinte desagregamento:

Liña 1. Polo importe máximo total para os anos 2020 e 2021 de oitocentos dous mil euros (802.000€).

O importe máximo de cada anualidade é de catrocentos un mil euros (401.000€) coa seguinte distribución por actuacións:

- Actuación 1: trescentos trece mil euros cada anualidade (313.000€/ano) con cargo á aplicación orzamentaria 11 A2 761.A 760.0, proxecto 2018 00002.
- Actuación 2, oitenta e oito mil euros cada anualidade (88.000€/ano con cargo á aplicación orzamentaria 11 A2 761.A 760.0, proxecto 2018 00002.





LIÑA 1. CONCELLOS INDIVIDUAL					
	Actuacións no Camiño(2.000€/Km)			Actuacións de programación Xacobeo 2021(cantidade fixa)	
CONCELLO	KM	Ano 2020	Ano 2021	Ano 2020	Ano 2021
O Pino	18	36.000,00 €	36.000,00 €	8.000,00 €	8.000,00 €
Arzúa	16	32.000,00 €	32.000,00 €	8.000,00 €	8.000,00 €
Melide	11	22.000,00 €	22.000,00 €	8.000,00 €	8.000,00 €
Palas de Rei	14	28.000,00 €	28.000,00 €	8.000,00 €	8.000,00 €
Monterroso	5,5	11.000,00 €	11.000,00 €	8.000,00 €	8.000,00 €
Portomarín	16	32.000,00 €	32.000,00 €	8.000,00 €	8.000,00 €
Paradela	7	14.000,00 €	14.000,00 €	8.000,00 €	8.000,00 €
Sarria	19	38.000,00 €	38.000,00 €	8.000,00 €	8.000,00 €
Samos	20	40.000,00 €	40.000,00 €	8.000,00 €	8.000,00 €
Triacastela	14	28.000,00 €	28.000,00 €	8.000,00 €	8.000,00 €
Pedrafita do Cebreiro	16	32.000,00 €	32.000,00 €	8.000,00 €	8.000,00 €
		313.000,00 €	313.000,00 €	88.000,00 €	88.000,00 €

802.000,00 €

Liña 2. Polo importe máximo total de cento oitenta e oito mil euros (236.800,00 €) para as dúas anualidades.

O importe máximo de cada anualidade é de cento dezaioito mil catrocentos euros (118.400€) coa seguinte distribución por actuacións:

- Actuación 1, trinta e seis mil catrocentos euros cada anualidade (36.400€/ano) con cargo á aplicación orzamentaria 11 A2 761.A 460.0, proxecto 2018 00002.
- Actuación 2, oitenta e dous mil euros por cada anualidade (82.000€/ano) con cargo á aplicación orzamentaria 11 A2 761.A 760.0, proxecto 2018 00002.

LIÑA 2. MANCOMUNIDADE				
Técnico promoción/xestión(inclúe soldo 2.000€+SS, 14 Pagas)		Actuación conxunta de promoción do Xacobeo 2021		
Ano 2020	Ano 2021	Ano 2020	Ano 2021	
36.400,00 €	36.400,00 €	82.000,00 €	82.000,00 €	236.800,00 €



Nestas cantidades entenderanse incluídos todos os impostos que deriven da execución do presente convenio.

A achega que fai a Axencia Turismo de Galicia para posibilitar a realización das actuacións só cubrirá o custo de realización da actividade sen que os concellos ou mancomunidade asinantes obteñan beneficio ou lucro industrial algún con dita achega.

A Axencia Turismo de Galicia tamén convocará un concurso de ideas para o deseño uniforme e prezos de referencia de mobiliario urbano para o Camiño de Santiago, ao que os concellos da mancomunidade comprométense a adherirse co fin de contribuír ao embelecemento do camiño.

QUINTA.- COMPATIBILIDADE

De acordo co disposto no artigo 40.1 letra d) do Decreto 11/2009, do 8 de xaneiro, a achega económica prevista no presente convenio será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

En ningún caso o importe das subvencións as que se refire o parágrafo anterior poderá superar, no seu conxunto, o custe da actividade subvencionada, ao abeiro do disposto no artigo 17.3 da Lei 9/2007, do 13 de xuño, de subvencións de Galicia.

SEXTA.- XUSTIFICACIÓN DO CONVENIO

1. A xustificación dos fondos efectuarase segundo a modalidade de conta xustificativa de acordo co disposto no Decreto 193/2011, de 6 de outubro, polo que se regulan especialidades nas subvencións ás entidades locais galegas.

1.1. No que respecta á xustificación da **liña 1, actividades 1 e 2 e da liña 2, actividade 2 (gastos de capital)** os concellos e no seu caso a mancomunidade deberán achegar a documentación establecida no artigo 10 do citado Decreto 193/2011, do 6 de outubro:





- a) Memoria xustificativa das actuacións realizadas
- b) Certificación expedida pola Secretaría da entidade local, co visto e prace do/a alcalde/alcaldesa ou presidente/a, relativa á aprobación polo órgano competente da conta xustificativa da subvención, en que se faga constar, como mínimo, de forma detallada:

1º. O cumprimento da finalidade da subvención.

2º. Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguinte relación: identificación do/a acreedor/a, número de factura ou documento equivalente, certificación de obra de se lo caso, importe data de emisión e data de recoñecemento da obriga polo órgano competente. Non se esixe a remisión dos documentos relacionados no artigo 48.2.b) do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro.

- c) Certificado de taxador/a independente debidamente acreditado/a e inscrito/a no correspondente rexistro oficial, no caso de adquisición de bens inmoables.

- d) Os documentos acreditativos dos gastos realizados con medios ou recursos propios e a indicación, de se lo caso dos criterios de repartición dos custos xerais e/o indirectos incorporados na relación a que se fai referencia na letra a).

- e) Unha relación detallada doutros ingresos ou subvencións que financiasen a actividade subvencionada con indicación do importe e a súa procedencia.

- f) De ser o caso, os tres orzamentos que se requiren en aplicación do artigo 29.3 da Lei 9/2007, do 13 de xuño, de subvencións de Galicia.

1.2. No caso da liña 2, actividade 1 (gastos correntes) achegarase pola mancomunidade a documentación establecida no artigo 9 do Decreto 193/2011:

- a) Memoria xustificativa das actuacións realizadas.



b) Certificación expedida pola Secretaría da entidade local, co visto e praxe do/a alcalde/alcaldesa ou presidente/a, relativa á aprobación polo órgano competente da conta xustificativa da subvención, en que se faga constar, como mínimo, de forma detallada:

1º. O cumprimento da finalidade da subvención.

2º. Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguinte relación: identificación do/a acredor/a, número de factura ou documento equivalente, certificación de obra de se lo caso, importe data de emisión e data de recoñecemento da obriga polo órgano competente. Non se esixe a remisión dos documentos relacionados no artigo 48.2.b) do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro.

c) Unha relación detallada doutros ingresos ou subvencións que financiasen a actividade subvencionada con indicación do importe e a súa procedencia.

d) De ser o caso, os tres orzamentos que se requiren en aplicación do artigo 29.3 da Lei 9/2007, do 13 de xuño, de subvencións de Galicia.

1.3. Así mesmo tanto os concellos como a Mancomunidade, para todas as actuacións deberán achegar:

- Declaración responsable de atoparse ao corrente no cumprimento das obrigas tributarias e fronte á Seguridade Social e de non ter pendente de pago algunha outra débeda coa Administración pública da Comunidade Autónoma, así como unha declaración responsable de non estar incurso en ningunha das prohibicións para obter a condición de beneficiario, establecidas no artigo 10 da Lei 9/2007, do 13 de xuño, de subvencións de Galicia, de conformidade co disposto nos artigos 11 e 13 do regulamento da dita lei, aprobado polo Decreto 11/2009, do 8 de xaneiro.



- Detalle da documentación e soportes publicitarios nos que consten a colaboración da Xunta de Galicia e do Xacobeo 2021.

- Indicación do número de conta para o ingreso dos fondos e xuntar unha declaración responsable da veracidade dos datos relativos á dita conta.

2. O prazo para xustificar por parte de cada concello a aplicación dos fondos percibidos remata o **15 de novembro de cada unha das anualidades 2020 e 2021.**

A documentación correspondente á xustificación presentarase de forma electrónica a través da sede electrónica da Xunta de Galicia (<http://sede.xunta.gal>).

3. Conforme ao establecido no artigo 8 do Decreto 193/2011, do 6 de outubro, que regula especialidades nas subvencións ás entidades locais galegas, esta documentación **incorporará, en todo caso, a certificación da intervención ou do órgano que teña atribuídas as facultades de control da toma en razón en contabilidade e do cumprimento da finalidade para a cal foi concedida.**

4. Á vista desta documentación, o órgano competente da Axencia Turismo de Galicia, expedirá certificación acreditativa do cumprimento dos fins obxecto do convenio e tramitará o seu pagamento.

5. En todo caso, a cantidade máxima que se obriga a aportar a Axencia minorarase proporcionalmente no caso de que os concellos non xustifiquen a execución da totalidade das actuacións obxecto do convenio.

No caso de que se produza exceso das subvencións percibidas de distintas entidades públicas, os concellos e a mancomunidade deberán reintegrar o exceso xunto cos xuros de demora, nos termos que establece o artigo 23 do Decreto 11/2009, do 8 de xaneiro, polo que se aproba o Regulamento da lei de subvencións de Galicia.

Para estes efectos, considerarase gasto realizado o que foi efectivamente pagado con anterioridade á finalización do referido prazo de xustificación. Exceptúanse aqueles gastos



cuxos pagamentos deban efectuarse nun momento posterior por axustarse aos calendarios de recadación, como os ingresos a conta do IRPF ou cotas por seguros sociais liquidables con posterioridade á data de xustificación. O importe destes ingresos ou cotas considerárase xustificado coa presentación do documento de gasto (factura ou documento equivalente) en que se reflicta o importe de retención ou cotizacións devengadas na data de xustificación. A entidade subvencionada quedará obrigada a presentar os documentos acreditativos da súa liquidez nos dez días seguintes ao remate dos prazos legalmente establecidos para o seu ingreso no período voluntario.

6. Ao abeiro deste convenio poderán financiarse os gastos nos que tivesen incorrido os concellos e a Mancomunidade, como consecuencia da realización de actuacións acordes co obxecto do convenio e que se teñan efectuado desde o **1 de xaneiro de 2020**.

7. Procederá o reintegro parcial ou total da subvención nos casos previstos 33 da Lei 9/2007, do 13 de xuño, de subvencións de Galicia e concordantes do Decreto 11/2009 do 8 de xaneiro.

8. A Axencia Turismo de Galicia reservarase o dereito a solicitar toda a documentación que se considere precisa en relación coa xustificación do obxecto do presente convenio.

SÉTIMA.- SUBCONTRATACIÓN

Os concellos e a mancomunidade poderán concertar con terceiros a **execución total** das actuacións que constitúen o obxecto da subvención. A contratación será realizada conforme a normativa de aplicación no ámbito local e, especificamente, a que rexe as contratacións das administracións públicas, e será cada concello o no seu caso a mancomunidade o responsable directo das consecuencias que dos incumprimentos puidesen derivar. En todo caso haberá que aterse ao establecido nos artigos 27 e 29.3 da Lei de subvencións de Galicia.



OITAVA.- PAGAMENTOS ANTICIPADOS

Conforme ao disposto no artigo 6.3 do Decreto 193/2011, do 6 de outubro, polo que se regulan especialidades nas subvencións ás entidades locais galegas, a Axencia Turismo de Galicia poderá realizar pagamentos anticipados en relación coas actuacións **da liña 1, actividades 1 e 2 e da liña 2, actividade 2**, do **100%** da subvención concedida en cada anualidade que lle correspondan a cada concello e á mancomunidade, sen que se supere á anualidade prevista en cada exercicio orzamentario.

No que respecta ás actuacións da **liña 2 actividade 1** poderá realizarse un pagamento anticipado á mancomunidade de ata un 80% sobre os primeiros 18.000 € e de un 10% adicional sobre o importe que exceda dos 18.000 € e sen que se supere a anualidade prevista en cada exercicio orzamentario, segundo se establece no artigo 6.1.Un do Decreto 193/2011, do 6 de outubro.

Estes anticipos supoñerán a entrega de fondos con carácter previo á xustificación, como financiamento necesario para poder levar a cabo as actuacións inherentes á subvención. Conforme ao artigo 65.4.c) do decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de Subvencións de Galicia **os concellos quedan exonerados da constitución de garantía.**

NOVENA.- PAGAMENTOS A CONTA

Poderanse realizar pagamentos a conta conforme ao artigo 62 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Os ditos pagamentos á conta poderán supoñer a realización de pagamentos fraccionados que responderán ao ritmo de execución das accións subvencionadas. A suma dos pagamentos a conta (nas actuacións da liña 2 actividade 1) máis os anticipos previstos na cláusula anterior non será superior ao 80% das porcentaxes subvencionadas correspondente



aos pagamentos xustificados, nin excederá da anualidade prevista en cada exercicio orzamentario, de conformidade co disposto no citado artigo 62.

Para proceder ao seu pagamento, cada concello ou a Mancomunidade deberá enviar a documentación relacionada na cláusula sexta referida ao período xustificado. Os primeiros gastos xustificados servirán de xustificante do pagamento anticipado realizado. Unha vez xustificada a totalidade do anticipo, os seguintes gastos abonaranse mediante o sistema de pagamento a conta ata o límite do 80% referido.

Conforme ao artigo 65.4.c do decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de Subvencións de Galicia **os concellos quedan exonerados da constitución de garantía**.

DÉCIMA.- COMISIÓN DE SEGUIMIENTO

Para o seguimento do convenio, da súa execución, ou coñecemento de calquera cuestión sobre a súa interpretación, modificación, resolución ou efectos que poidan xurdir, créanse dúas Comisións de Seguimento para que, de mutuo acordo, resolvan o procedente,

As Comisións estarán integradas por un representante designado pola Axencia Turismo de Galicia, estando nunha un representante de cada concello para as accións da Liña 1 e outra por un representante da mancomunidade para as accións da Liña 2.

As cuestións litixiosas xurdidas respecto da interpretación, modificación, resolución e efectos do convenio, serán resoltas en última instancia pola persoa titular da Dirección da Axencia Turismo de Galicia.

DÉCIMO PRIMEIRA.- MODIFICACIÓNS DO CONVENIO

As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.



DÉCIMA SEGUNDA.- NATUREZA XURÍDICA E XURISDICIÓN COMPETENTE

Este convenio ten natureza administrativa, e queda fóra do ámbito da Lei 9/2017, do 8 de novembro, de contratos do sector público, que os exclúe expresamente o artigo 6.1.

Seralle de aplicación o réxime determinado pola Lei 9/2007, do 13 de xuño, de subvencións de Galicia; o Decreto 11/2009, do 8 de xaneiro que a desenvolve; o Decreto 193/2011, de 6 de outubro, polo que se regulan especialidades nas subvencións ás entidades locais galegas; a Lei 38/2003, do 17 de novembro, xeral de subvencións e o Real decreto 887/2006 que a desenvolve; a Lei 1/2016, do 18 de xaneiro de transparencia e bo goberno; a Lei 39/2015, do 1 de outubro, do Procedemento Administrativo Común das Administracións Públicas; na Lei 40/2015, do 1 de outubro, do Réxime Xurídico do Sector Público, e polas demais normas en dereito administrativo aplicables ou, no seu defecto, polas derivadas do dereito privado.

As cuestións litixiosas que poidan xurdir coa interpretación, resolución e efectos do presente convenio serán resoltas pola Comisión de Seguimento do convenio, e en última instancia pola persoa titular da Dirección da Axencia Turismo de Galicia, cuxas resolucións poñen fin á vía administrativa e contra elas poderase interpor recurso contencioso-administrativo ante os xulgados do contencioso-administrativo de Santiago de Compostela, segundo o disposto na Lei reguladora da dita xurisdición.

DÉCIMO TERCEIRA.- RESOLUCIÓN E MODIFICACIÓN

Serán causas de resolución do presente convenio:

- O incumprimento do seu obxecto.
- O incumprimento total ou parcial de calquera das cláusulas que nel se establecen.
- O transcurso do tempo estipulado sen que se culminen as actividades acordadas.
- O acordo unánime de todos os asinantes.
- A decisión xudicial declarativa da nulidade do convenio.



O incumprimento das obrigas asumidas por cada concello (actuacións Liña 1) dará lugar á inmediata resolución do presente convenio en relación ao citado concello, e á devolución por parte deste do importe **correspondente proporcional no tempo en que tivo lugar o incumprimento.**

As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.

**DÉCIMA CUARTA.- PUBLICIDADE E REXISTRO DO CONVENIO.
CONSENTIMENTO PARA QUE SE PUBLIQUEN OS DATOS PERSOAIS E
DEMAIS ESPECIFICACIÓNS QUE FIGURAN NO CONVENIO**

En cumprimento do disposto no artigos 18 e 20.8 da Lei 38/2003, do 17 de novembro, xeral de subvencións (LXS en diante) comunicarase a subscrición deste convenio á Base de Datos Nacional de Subvencións que operará como sistema nacional de publicidade de subvencións.

Segundo o artigo 17 da Lei 1/2016, do 18 de xaneiro, ademais da información que debe facerse pública segundo a normativa básica en materia de transparencia, a Axencia Turismo de Galicia publicará o texto íntegro do convenio.

Así mesmo estarase ao disposto no artigo 15 da Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios.

Asemade procederase á inscrición do convenio no Rexistro Público de Subvencións conforme ao establecido no artigo 16 da Lei 9/2007, do 13 de xuño, e no Decreto 132/2006, do 27 de xullo.

Coa sinatura do presente convenio as partes asinantes prestan o seu consentimento para incluír e facer públicos a través do Portal de Transparencia e Goberno Aberto e do rexistro regulado no Decreto 132/2006, do 27 de xullo, os datos de carácter persoal contidos no convenio.



DÉCIMO QUINTA.- PROTECCIÓN DE DATOS PERSOAIS

As partes asinantes responsabilizaranse de que calquera tratamento de datos persoais que puideran levarse a cabo en virtude do mesmo se realice con absoluto respecto ás normas de seguridade e de conformidade co establecido no Regulamento 2016/179 (UE) Xeral de Protección de datos (en adiante, RXPd), na Lei Orgánica 3/2018, do 5 de decembro, de protección de datos persoais e garantía dos dereitos dixitais (en adiante, LOPDGDD) e demais normativa concordante.

Os datos persoais das persoas físicas asinantes do Convenio serán tratados polos asinantes unicamente para a adecuada formalización e desenvolvemento do mesmo e en base ao disposto no artigo 6.1 b) do RXPd.

DÉCIMO SEXTA.- VIXENCIA

O presente convenio estenderá a súa vixencia desde a data da súa sinatura ata o **31 de decembro de 2021**.

DÉCIMO SÉTIMA.- NOTIFICACIÓN ELECTRÓNICA

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica.gal, (<https://notifica.xunta.gal>). Para poder acceder a unha notificación electrónica, o interesado deberá contar cun certificado



electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

E, en proba de conformidade, e previa á súa lectura, ambas as dúas partes firman doce exemplares do presente convenio, no lugar e data indicados no encabezamento.

POLA AXENCIA TURISMO DE GALICIA	POLA MANCOMUNIDADE DE CONCELLOS GALEGOS DO CAMIÑO FRANCÉS
---------------------------------	---

Román Rodríguez Gonzalez

José Antonio García Jurjo

POLO CONCELLO DE MELIDE

POLO CONCELLO DE
MONTERROSO

Jose Manuel Pérez Penas

Antonio Gato Soengas

POLO CONCELLO DE PALAS DE REI

POLO CONCELLO DE PARADELA

Pablo Taboada Camoira

José Manuel Mato Díaz





POLO CONCELLO DE PEDRAFITA DO
CEBREIRO

José Luis Raposo Magdalena

POLO CONCELLO DO PINO

Manuel Taboada Vigo

POLO CONCELLO DE PORTOMARÍN

Juan Serrano López

POLO CONCELLO DE ARZÚA

Jose Luis García López

POLO CONCELLO DE SARRIA

Claudio M. Garrido Martinez

POLO CONCELLO DE
TRIACASTELA

Olga Iglesias Fontal

POLO CONCELLO DE SAMOS

Julio Gallego Moure

